

Kut ka 28th Youth Development Camp ka Lei Synshar Cultural Society

Jowai, Jymmang:

Ka jingai jinghikakai ba shi taiew da ka Lei Synshar Cultural Society jong ki samla ka Niamtre kaba la pynlong ha ka shnong Nongkynrih, Laskein Block kaba tip kum ka 28th Youth Development Camp, kaba la sdang naduh ka sngi 8 tarik une u bnai ka la poi shaba kut ha ka Sngi U Blei. Ha ka jingialang pynkut ba la pynlong ha iing dorbar ka shnong Nongkynrih nalog ki nongjalang ka Lei Synshar Cultural Society la wan ban sakhi lang ruh da u Bah Chawas Lyngdoh, Dolloi ka Elaka Raliang kum u kongsan ha ka jingdonlang u Bah Shape Paswet, General Manager of District Commerce & Industries Center, Govt. of Meghalaya kum u symbud kongsan bad ki wahah wasian, ki longknie longkpa bad kiba shah khot sngewbha.



Sungoh, u Kamnipaia Challam, Secretary LSCS haba kut u la ai ki kyntien sngewnguh. U Bah Chawas Lyngdoh ha ka jingkreun u la iahor ia ka Lei Synshar Cultural Society halor ka jingkitkhia jong ka ban pynlong ia ka jingai jinghikakai kypang ia ki khun samla ka Niamtre kaba long shibynta ka jingsei jingpynmih ia ki samla kiba don ka jingkitkhalie ia ka niam ka rukom dustur ha man ki shnong ki raj.

Shuh shuh kiwei ki rangbah kiba la ai ia ki kyntien sneng kyntien kraw bad ai mynsiem ia ki samla ki long u Shape Paswet, General Manager of District Commerce & Industries Center, Govt. of Meghalaya, u Bah Kamai Tyngkan, President Seiñraij Nongkynrih bad u Bah Nitajan Shadap Manner, Vice-President Lei Synshar Cultural Society.

Bteng ka jingai jinghikakai jong ka SURE shaphang ka rep ka riang

Jowai, Jymmang:

Ka Society for Urban and Rural Empowerment (SURE) ka la bteng ban pynlong ka jingai jinghikakai halor ka phang Integrated farming sa ha ka shnong Sohmynting ha ka Lah Sngi U Blei.

Kane ka jingai jinghikakai ka dei kaba la kyrshan pisa da ka Meghalaya State Skill Development Society kaba hap hapoh ka tnat Labour jong ka Sorkar Meghalaya.

U Deputy Commissioner ka West Jaiñtia u Bah Garod L.S.N Dykes u la long kum u kongsan ha ka jingialang u la ong ruh ka sorkar ka la ialeh ban wanrah ia ki jingai jinghikakai ha ki shnong jong ki nongrep ban pynkut ia ki. U la kyntu ruh ia ki nongwan shah hikai ba ki dei ban pyndonkam hok ia kaei kaba ki la ioh jinghikakai bad shim ia ki lad jingiarap na ka sorkar.

U la ong kane ka jingai jinghikakai ka don ka jingiasnoh kti bad ki SHG kiba trei ia ki kam kiba bun khamtam ha ka kam rep ka riang. Kumjuh ki Producer Group kiba don ha ka shnong kiba ka kam kaba ki trei ka dei ka kam ri sniang bad ka kam rep jhur, kin ioh jingiarap shikatdei eh na kane ka jinghikakai.

La ioh ka jingkreun na u Bah Lephing Pyrtuh Wahah shnong Sohmynting uba la ai ruh ia ka kaiphod ha u DC ia ka

La pyndep ka tnat Shipai ia ka 'Court of Inquiry' halor ka jingshah siat ki 'riew paidbah ha Oting

Dimapur, Jymmang:

U heh shipai ka Eastern Command jong ka tnat shipai Indian Army ha ka Lah Sngi U Blei mynta ka taiew u la pyntip ba ka tnat shipai ka la lah ban pyndep ia ka 'Court of Inquiry' kaba iadei bad ka jingshah siat iap jong 14 ngut ki 'riew paidbah ha ka shnong Oting, Nagaland ha ki bor shipai ka Assam Rifles kaba la jia ha u Nohprah jong u snem ba la dep.

Hadien katei ka jinggia shah siat iap ka jong ki 'riew paidbah ha shnong Oting, Mon district la iathuh ba na ka liang ka tnat shipai Indian Army ka la pynsdang da ka 'Court of Inquiry' (CoI), katba na ka liang ka Sorkar Jylla pat ka la thaw da ka Special Investigation Team (SIT) ban pynlong ia ka jingtohkit halor katei ka jinggia.

Ha ka jingpyllait kyrwoh na u General Officer Commanding-in-Chief of the Eastern Command, Lt Gen R P Kalita, u la ong ba katei ka jinggia ka la jia na ka daw jong ka jingthuh bakla jong ki shipai Assam Rifles khlem da tip tikna ba ki dei ki 'riew paidbah. U la pyntip ruh ba ka tnat shipai ka dang pynlong ia ka jingjuriip bniah ia ka 'Court of Inquiry' kaba la pyndep. U la pyntip shuh shuh ba na ka liang ka tnat shipai ka la dep ban ioh ruh ia ka kaiphod jong ka SIT ia kaba ka dang pynlong ia ka jingkmih bad jingjuriip bniah. U la pyntip ruh ba lada lap ba don kino-kino ki jingbakla lane kino-kino ki jingtorti dano-re-dano, ka tnat shipai kan shim da ki sienjam kiba janai ban pynshitom ia ki shipai ka Assam Rifles khlem da peit shiliang ia ka kyrdan kaba ki bat.

Pyrshah ka Lypmung Ki Hynriew Shnong ia ka jingthmu pynlong aiñ ia ka jingkhilai Shillong, Jymmang:

Ka Executive Committee jong ka Lypmung Ki Hynriew Shnong kaba la iakynduh ha ka 7 tarik u Jymmang, 2022 ha Khasi National Dorbar Hall, Mawkhar Shillong ka la iatai sani bha halor ka jingpynbna jong ka Sorkar Jylla ba la pynlong aiñ ia ka jingkhilai lyngba ka "Meghalaya Regulation of Gaming Act 2021.

Ha katei ka jingialang, na ka liang ka Lypmung Ki Hynriew Shnong ka la pynpaw ia ka jingsngewsih bad sngewkhia mynsiem haduh katta katta ba ka Sorkar Jylla kan shah ban plie ia ki Casino (Jaka Khalai) hapoh ka Jylla. Ha kum kine ki jaka don ruh kiwei kiwei pat ki jingpynbyngria ki ban ktah ia ka imlang ka sahleng bad ka ban pynthohbria ia ka jaitbynriew jong ngi hi baroh kawei.

Na ka liang ka Lypmung Ki Hynriew Shnong ka sngew dei ban kyntu ia ka Sorkar ba ka dei ban pynkhlaiñ ia ki lad kamai pisa jong ka da ki lad ki lynti kiba dei ym da kiwei pat ki lynti ki bym dei kiba wan rah pynban ia ka jingshong syier ia ka imlang ka sahleng. Ha kajuha ka por ka Lypmung Ki Hynriew Shnong ka dawa na ka Sorkar ban weng noh mardor ia kane ka aiñ.

Katei ka long kat kum ka kyrwoh ba la phah da u Bah Paul J. Sawian bad Bah Farewell Nongkynrih - President bad Secretary jong ka Lypmung ki Hynriew Shnong.

10 snem hap shong patok u rangbah ba donkti leh be-i-jot ia ka khynnah rit

Imphal, Jymmang:

Ka iing kashari ba kyrpang jong ka jylla Manipur ha ka Lah Sngi U Blei mynta ka taiew ka la tian bishar bad rai da ka jingshah set patok ka ban neh haduh 10 snem lynter pyrshah ia uwei u rangbah na ka daw jong ka jingdonkti ban leh be-i-jot bad pynia ia kawei ka khynnah rit ha u Kyllalyngkot, 2019.

U tei u rangbah u ba la shah tian bishar ha katei ka sngi u dei ba la tip kyrnteng kum u Samurailatpam Tomba (38 snem ka rta) uba dei trai na ka thain Thoubal district. Nalor ka rai shah set patok, ka iathuh ba na ka liang ka iing kashari ka la daiñ kuna ruh T.3,000 pyrshah ia utei u rangbah; bad lada um lah ban siew ia katei ka kuna, ia ka jingshah set patok yn pynjlan shuh shuh sa 3 snem lynter.

La iathuh ba na ka liang ka iing kashari ha ka Sngi Balang ba la dep ka la shem ia ka jingdonkti ka jong utei u rangbah ban pynkheñ ia ki kyndon Section jong ka aiñ Protection of Children from Sexual Offences (POCSO) Act, 2012.

Bam smai 11 ngut ki MLA ban shimti ia ka kam Myntri ba thymmai jong ka Sorkar Tripura

Agartala, Jymmang:

Ha ka Lah Sngi U Blei jong kane ka taiew kaba mynta, 11 ngut ki MLA (9 ngut na ka seng BJP bad 2 ngut na ka seng IPFT) ki la bam smai ban shimti ia ka shuki kum ki Myntri ba thymmai jong ka Sorkar Tripura hapoh ka jingialang u Myntri Rangbah ba thymmai, u Manik Saha.

Ia ki 11 ngut ki MLA ha katei ka sngi la pynbam smai bad pynkhamti ia ka kam Myntri da u Lat ka jylla Tripura, u S N Arya ha ka jingialang bam smai kaba la pynlong ha Raj Bhavan.

Ki MLA kiba la shah pynbam smai ban long ki dkhoh ba thymmai jong ka Kynhun Myntri ki kynthup ia u Jishnu Dev Varma, Ratan Lal Nath, Pranajit Singha Roy, Manoj Kanti Deb, Santana Chakma, Ram Prasad Paul, Bhagaban Das, Sushanta Chowdhury, Ram Pada Jamatia kiba dei baroh ki MLA jong ka seng BJP bad u NC Debbarma bad Prem Kumar Reang kiba dei ki MLA jong ka seng Indigenous People's Front of Tripura (IPFT).

Ha katei ka jingialang bam smai kaba la pynlong ha katei ka sngi la wan ban iashim bynta lem da u Myntri Rangbah jong ka jylla, u Manik Saha; ki Myntri ka Sorkar Pdeng, Bhupender Yadav bad Pratima Bhoomik kumjuh da u Myntri Rangbah ba rim jong ka jylla Tripura, u Biplab Kumar Deb.

Kat kum ki jingioh lum jingtip na ki bor

Palat 400 ngut ki samla wad kam pulit kiba wan ai da ki syrnot shon tuh: Assam DGP

Guwahati, Jymmang:

U Director General of Police ka jylla Assam, u Bhaskarjyoti Mahanta ha ki khyndiat sngi kiba la leit noh u la iathuh ba ki don palat 400 ngut ki samla wad kam pulit na ka jylla Assam kiba la shah pynrung dak saw ha ka tnat pulit jong ka jylla na ka daw ka jingdonkti ban leit ai da ki syrnot kiba la shuh shon tuh ha ka por ba pynrung kyrnteng na ka bynta kam pulit. Ha kaba iadei bad katei ka kam beañ, na ka liang u heh pulit jong ka jylla u la iathuh ruh ba na ka liang ka tnat CID ka la shumti ia ka mukotduma bad pynsdang ruh ia ki kam tohkit halor katei ka kam shukor.

Ha ka jingialang bad ki lad pathai khubor, na ka liang u DGP jong ka jylla Assam u la iathuh ba ia katei ka kam shukor la lap ha ka por ba ka tnat pulit ka la pynlong ia ka jingjuriip bniah (verification) ia ki kot ki sla jong ki samla kiba wan ban thep kyrnteng na ka bynta kam pulit. U la iathuh ba hashwa ban pynbna ia ka 'final result', na ka liang ka tnat pulit ka la pynlong ia ka jingjuriip bniah ia ki syrnot (computer efficiency certificate) jong baroh ki samla kiba la wan ban thep kyrnteng na ka bynta kam pulit bad na ka liang ka tnat pulit ka la shem ba ki don haduh 414 tylli ki syrnot kiba la shuh shon thok.

Ha ka jingialang kaba kyrpang kaba la pynlong ha ka sngi Saitjañ kaba la

Khlah 4 ngut na ki jingjia twa khyndew ha Arunachal Pradesh

Itanagar, Jymmang:

Ki bor pulit jong ka jylla Arunachal Pradesh ha ka Lah Sngi U Blei jong kane ka taiew kaba mynta ki la iathuh ba haduh 4 ngut ki nongshong shnong jong ka jylla ki la duh ei ia la ki jong ki mynsiem na ka daw jong bun tylli ki jingjia twa khyndew kiba la jia ha kylleng ki bynta jong ka jylla.

Ki bor pulit ki la iathuh haduh 2ngut ki brieve ki la khlah hadien ba ka iing sah ka jong ki ka la shah tyllap ha ka khyndew kaba la twa hajan ka Punjabi Dhaba. Kat kum ka jingiatuhung ka jong u SP ka thain ICR, u Jimmy Charan u la pyntip ba ha katei ka jingjia, kawei ka samla ka la dang sahku hapoh ka iing sah kaba la shah tyllap ha ka khyndew kaba la twa ha ka miet jong ka Sngi u Blei ba la dep. Na katei ka jingjia, u heh pulit u la pyntip ba tad haduh kane ka kynti kaba mynta ki dang ioh ban sei tang ia ka metiap jong u Nagen Barman (50 snem ka rta) bad u Tapas Rai (15 snem ka rta). Na katei ka jingjia la iathuh ba ki la don ruh 3 ngut kiwei pat ki brieve kiba la ioh ia ki jingmynsaw ia kiba la leit ban pynkit noh sha ki jaka sumar. Kat kum ka jingpyllait kyrwoh jong ka tnat NDRF, la iathuh ba ka kynhun treikam ka jong ka kam pat shym la lah ban pynlong ia ka jingwad ia ka samla kaba dang hah rngai na katei ka jingjia twa khyndew namar bym pat poi ki tiar ki tar bad ki kor ki bor kiba kynsai.

Sa ha kawei pat ka jingjia twa khyndew, la iathuh ba 2 ngut ki nongtrei jong

dep, la iathuh ba ki la don palat 9,000 ngut ki kyrnteng ha ki kyrdan bapher bapher jong ka tnat pulit kiba la ioh ia ki shithi thung kam. Kat kum ka jingiatuhung ka jong u DGP ka jylla, u la pyntip ruh ba ha ka ryanan thung kam pulit kaba dang shu pyndep shen, na ka liang ka tnat pulit ka la buh thong ban thung kam 10% ia ki samla (pulit) kynthei ha ka tnat armed branch bad 30% ha ka tnat unarmed branch. U la iathuh pat ba ia katei ka jingbuh thong jong ka tnat pulit ym shym la lah ban pynurlong ha kane ka kynti kaba mynta, hynrei u la pyntip pat ka jingthung kam ia ki pulit kynthei ha kane ka kynti kaba mynta ka kham jur ban ha ki snem kiba la leit.

U DGP shuh shuh u la pyntip ruh ba haduh 91.75 % ki pulit shynrang bad 8.43 ki pulit kynthei la pynrung ha ka tnat 'armed branch'; 76.21% ki pulit shynrang bad 23.795 ki pulit kynthei la pynrung kam ha ka tnat 'unarmed branch'.

U heh pulit shuh shuh u la pyntip ruh ba na ki daw jong ka jingbun don ki samla kiba kot kyrdan na ka bynta ka kam pulit, ki la don katto katne ki kam kiba ym shym la lah ban thung na ka bynta ki samla kiba dei na ki jaidbynriew Scheduled Tribe (Hills), ki lehnoh ba la wan pyndemwait kumjuh na ka bynta ki dkhoh Village Defence Party.

Ka tnat PWD ki la shah rong ha ka khyndew kaba la twa ha ka surok Ganga-Jully Basti katba ki dang pyrshang ban leit pylait ia kawei ka thuk thuk kaba sahku ha ka ktieh kaba la lang ha katei ka surok. Kat kum ka jingiatuhung ka jong ki bor pulit, la ong ba kitei ki 2 ngut ki la khlah noh na katei ka jingjia shah rong khyndew ki kynthup ia ka Tai Yai (45 snem ka rta) bad u Teg Bahadur Sonar (50 snem ka rta). Ha katei ka jingjia ki la don ruh 2 ngut kiwei ki brieve kiba la ioh ia ki jingmynsaw kiba kynthup ia u T Taloh bad u P Taje.

Halor ki jingjia twa khyndew ha ka jylla Arunachal Pradesh kiba la jia na ka daw jong ka jingther u lapbah u ba jur ha ki khyndiat sngi kiba la leit noh, la iathuh ba ka la pynsah kut ruh ia ka leit ka wan ka jong ki paidbah hapdeng ka thain Likaballi, Lower Siang district bad ka thain Aalo, West Siang district, na ka daw jong ka jingjia twa khyndew ha bun tylli ki bynta jong ka surok ba pyniasoh ia kitei ki thain.

Halor ki jingjia twa khyndew ha ka jylla, na ka liang ki bor sorkar ki la pynkreh ruh ia ki jaka shong tngen na ka bynta ki nongshong shong kiba la shah pynjulor ia ki iing ki sem ki jong ki. Ki 2 tylli ki jaka kiba ka sorkar ka la pynkreh na ka bynta kitei ki nongshong shnong ki kynthup ia ka skul sorkar kaba don ha ka thain Naharlagun bad ka Nikum Niya Hall kaba don ha ka thain Banderdewa.

Advertisement for SHYAM CENTURY FERROUS LIMITED, including financial results table and company details.